ЎЗБЕКИСТОН РЕСПУБЛИКАСИ НОМИДАН ХАЛ КИЛУВ КАРОРИ

Бухоро тумани

2024 йил 12 июнь

Бухоро туманлараро иқтисодий суди, судья М.Махсудова раислигида, судья ёрдамчиси Ю.Очиловнинг котиблигида, Ўзбекистон Савдо-саноат палатаси Бухоро вилоят худудий бошқармасининг даъвогар "Когон пахта тозалаш" акциядорлик жамияти манфаатида жавобгар "Жаббор Камол замини" фермер хўжалигидан асосий қарз ундириш тўғрисидаги даъво аризаси асосида қўзғатилган иқтисодий ишни даъвогар вакиллари Қ.Нурумбетова ва Д.Худоёров (ишончнома ва буйруқ асосида), иштирокида суд биносида, очиқ суд мажлисида кўриб чиқиб, қуйидагиларни

аниклади:

Ўзбекистон Савдо-саноат палатаси Бухоро вилоят худудий бошқармаси даъвогар "Когон пахта тозалаш" акциядорлик жамияти манфаатида (матнда даъвогар деб юритилади) судга даъво аризаси билан мурожаат қилиб, жавобгар "Жаббор Камол замини" фермер хўжалиги (матнда жавобгар деб юритилади)дан 427.017.076 сўм асосий қарзни ундиришни сўраган.

Суд мажлисида иштирок этган даъвогар вакиллари даъвони қувватлаб, уни тўлиқ қаноатлантиришни сўрашди.

Суд мажлиси вақти ва жойи тўғрисида тегишли тартибда хабардор қилинган палата ва жавобар вакили иштирокини таъминламади. Ўзбекистон Республикаси Иқтисодий процессуал кодекси (матнда ИПК деб юритилади)нинг 128, 170-моддаларига асосланиб, ишни уларнинг иштирокисиз кўриб чиқишни лозим топади.

Суд, иш хужжатларини ўрганиб чиқиб, даъвогар вакилларининг тушунтиришларини эшитиб, куйидаги асосларга кўра даъво аризани қаноатлантиришни лозим топади.

Иш хужжатларидан аниқланишича, тарафлар ўртасида 2022 йил 26 сентябрда бошоқли дон харид қилиш бўйича 1-БТ-сонли фьючерс шартномаси тузилган.

Шунингдек даъвогар ва жавобгар ўртасида 2023 йил 16 сентябрда 29-БТ-сонли "Пахта хом-ашёсини ва уруғлик пахта харид қилиш бўйича контрактация шартномаси" имзоланиб 2023 йил пахта хосилидан 199 нектар майдонда 700,0 тонна пахта хом-ашёсини ва уруғлик пахтани даъвогарга қайта ишлаш ёки сотиш учун етказиб бериш мажбуриятини олган.

Шартнома шартларига кўра, даъвогар томонидан жавобгарга аванс хисобдиан агротехник тадбирларни ўз вақтида амалга ошириш ва шартномавий мажбуриятларни лозим даражада бажариш мақсадида 690.965.104 сўм аванс маблағлари кўчириб берилган.

Шартноманинг 2.2-банди, "в" кичик бандига кўра, "хўжалик" "тайёрловчи" га 2022 йил 10 августдан кечиктирмай шартномада белгиланган

микдорда ва ассортиментда тегишли сифатга эга бўлган махсулотни топширишли лозимлиги белгиланган.

Шартноманинг 3.3-бандига кўра, "тайёрловчи" "хўжалик"га (уруғлик, моддий-техника ресурслар қийматинги ҳисобга олган ҳолда) маҳсулот қийматининг 50 фоизи миқдоригача бўлган миқдорда бўнак (аванс) маблағларини ойма-ой тўлаб берилишини таъминлаши белгиланган.

Даъвогар шартнома мажбуриятларини бажариб, жавобгарга 2022 йил хосили учун буғдой махсулотини етиштириш учун зарур бўлган жами 427.017.076 сўм кийматдаги моддий ресурсларини етказиб берган. Жавобгар томонидан шартнома мажбурияти лозим даражада бажарилмасдан махсулотлар етказиб берилмаган. Даъвогарнинг мазкур қарздорликни тўлаб бериш ҳақида юборилган талабнома хати жавобгар томонидан оқибатсиз қолдирилган.

Ўзбекистон Республикаси Фукаролик кодекси (матнда ФК деб юритилади) 234-моддаси иккинчи қисмига кўра, мажбуриятлар шартномадан, зиён етказиш натижасида хамда ушбу Кодексда кўрсатилган бошқа асослардан келиб чиқади.

ФКнинг 236-моддасига кўра мажбуриятлар мажбурият шартларига ва қонунчилик талабларига мувофик, бундай шартлар ва талаблар бўлмаганида эса - иш муомаласи одатларига ёки одатда кўйиладиган бошка талабларга мувофик лозим даражада бажарилиши керак.

ФК 465-моддасига мувофик, контрактация шартномасига мувофик кишлок хўжалиги махсулотини етиштирувчи кишлок хўжалиги махсулотини кайта ишлаш ёки сотиш учун бундай махсулотни харид киладиган шахсга - тайёрловчига шартлашилган муддатда топшириш (топшириб туриш) мажбуриятини олади, тайёрловчи эса бу махсулотни кабул килиш (кабул килиб туриш), унинг хакини шартлашилган муддатда муайян бахода тўлаш (тўлаб туриш) мажбуриятини олади.

ФК 466-моддасининг иккинчи қисмига кўра, агар махсулот етиштирувчи кўрсатилган мажбуриятларини ушбу модданинг биринчи кисмида бажармаганлиги оқибатида қишлоқ хўжалиги махсулоти контрактация шартномасида назарда тутилган микдор ва ассортиментда олинмаслиги олдиндан маълум бўлиб қолса, тайёрловчи шартномани бекор қилишни ёки ўзгартиришни ва зарарни коплашни талаб килишга хакли.

Жавобгарнинг даъвогар олдидаги 427.017.076 сўм қарздорлиги иш хужжатларидаги шартнома, хисобварақ-фактуралар, бир томонлама тасдиқланган солиштирма далолатнома, талабнома хати ва бошқа далиллар билан ўз тасдиғини топади. Демак, даъвогарнинг асосий қарзни ундириш ҳақидаги талаби асосли ҳисобланади.

Шу сабабли суд даъво аризасини тўлик каноатлантиришни лозим топади.

ИПК 118-моддасининг биринчи қисмига кўра, суд харажатлари ишда иштирок этувчи шахсларнинг қаноатлантирилган даъво талаблари микдорига мутаносиб равишда уларнинг зиммасига юклатилади.

Суд, иш юзасидан суд харажатларини жавобгар зиммасига юклашни, жавобгар хисобидан даъвогар фойдасига олдиндан тўланган 34.000 сўм почта харажатини ва республика бюджетига 8.540.341,52 сўм давлат божи ундиришни лозим топади.

Юқоридагиларга кўра, ИПКнинг 118, 128, 170, 176-179, 180 ва 186моддаларини қўллаб суд,

карор килди:

Даъво аризаси тўлик каноатлантирилсин.

Жавобгар "Жаббор Камол замини" фермер хўжалигидан даъвогар "Когон пахта тозалаш" акциядорлик жамияти фойдасига 427.017.076 сўм асосий қарз ва олдиндан тўланган 34.000 сўм почта харажати ундирилсин.

Жавобгар "Жаббор Камол замини" фермер хўжалигидан республика бюджетига 8.540.341,52 сўм давлат божи ундирилсин.

Хал қилув қарори қонуний кучга киргач, ижро варақалари берилсин.

Мазкур ҳал қилув қарори устидан бир ой муддат ичида шу суд орқали Бухоро вилоят судига апелляция тартибида шикоят (протест) келтириш мумкин.

Судья М.Махсудова

